



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

Հայաստանի հնագույն մայրաքաղաք Էջմիածինը (Վաղարշապատ) բազմաթիվ սերունդների կողմից ստեղծված հոգևոր և նյութական մշակույթի յուրօրինակ գանձարան է:

Համաշխարհային և հայկական պատմության շատ հիշարժան իրադարձություններ են կապված քաղաքի ու նրա պատմաճարտարապետական փառահեղ հուշարձանների հետ: Որպես բազմադարյան պատմության ու մշակույթի կենդանի վկա քաղաքը ամեն անգամ նոր տեղեկություններ է հաղորդում այցելուներին:

Այդ հնագույն բնակավայրը Վարդգեսավան անվամբ գոյություն ուներ դեռևս մ. թ. ա. III դարում: Իր գոյության ավելի քան 23 դարերի ընթացքում նրանում կուտակվել են նյութական մշակույթի բազմաթիվ հուշարձաններ, որոնցից շատերը համաշխարհային կարևոր նշանակություն ունեն: Հատկապես մեծարժեք են ու դիտարժան Էջմիածնի տաճարի համալիրը, Հոփսիսմեի, Գայանեի ու Զվարթնոցի տաճարները, Գևորգյան ճեմարանի համալիրը, բազմաթիվ մեմորիալ հուշարձաններ՝ այդ թվում մեծարժեք խաչքարեր և XIX դարի վերջին ու XX դարի սկզբներին կառուցված ժողովրդական տներ: Այդ հուշարձանները գեղարվեստականորեն արժեքավորում են քաղաքը, զգացնել տալիս նրա անցած պատմական ուղին և պայմանավորում նրա ինքնատիպ ճարտարապետական դեմքը:

Մինչև վերջին տասնամյակները Էջմիածնի պատմաճարտարապետական հուշարձանների պահպանությունը կատարվել է ստանձին-ատանձին, միմյանցից և շրջապատող քաղաքային միջավայրից մեկույթացված: Սակայն ինչպես ցույց է տալիս քաղաքի զարգացման ընթացքը, հարցի այդպիսի լուծումը ապահովել է ընդամենը հուշարձանների ֆիզիկական պահպանությունը: Մինչդեռ ժամանակակից կյանքով ապրող պատմական քաղաքի հուշարձանների պահպանության հարցերը սերտորեն շաղկապված են ամբողջ բնակավայրի գործնական ու տարածական կառուցվածքի ներդաշնակ զարգացման, հուշարձանների արժեքավոր որակների մաքսիմալ օգտագործման և տուրիզմի կազմակերպման հարցերի հետ:


Այժմ հանրապետության պատմական քաղաքների և նրանցում կուտակված բազմաբնույթ հուշարձանների պահպանման խնդիրները համակողմանիորեն լուծվում են Հայկական ՍՍՀ Մինիստրների




Հատված Վաղարշապատ քաղաքի հյուսիս-արևելյան մասից, 19-րդ դ. վերջ.

խորհրդին կից պատմության և կուլտուրայի հուշարձանների պահպանության ու օգտագործման վարչությունում: 1982 թ. հանրապետության կառավարության կողմից հաստատվեց վարչության կողմից մշակված «Էջմիածին քաղաքի պատմամշակութային հիմնավորում» նախագիծը (հեղինակային խմբի ղեկավար՝ Ա. Գրիգորյան, հեղինակներ՝ Հ. Սանամյան, Ա. Գյուլամիրյան, Ռ. Թորոսյան):

Նախագծի նպատակն է ամբողջությամբ բացահայտել Վարդգեսավան-Վաղարշապատ-Էջմիածին քաղաքի պատմամշակութային պոտենցիալը, նշել նրա պատմաճարտարապետական հուշարձանների ֆիզիկական ու գեղարվեստական հատկությունների



Ներսիսյան լիճը և Էջմիածնի տաճարը, 19-րդ դ. վերջ



Էջմիածին քաղաքի կառուցապատման պետման

պահպանման հնարավորությունները և ցույց տալ քաղաքի բնակա-
նոն զարգացման ուղիները՝ որպես հանրապետության պատմության
և մշակույթի կարևորագույն օջախի: Ինչպես նաև հայրենական ու
արտասահմանյան տուրիզմի կարևորագույն կենտրոնի: Այդ կապակ-
ցությամբ նախագծում արխիվային նյութերի հիման վրա պարզա-
բանվել է քաղաքի զարգացման ամբողջ ընթացքը, ուսումնասիր-
վել է Էջմիածնի գործնական, հատակագծային, տարածական և կեր-
պարային փոփոխությունները: Քաղաքի ապագա զարգացման հար-
ցերում ճիշտ կողմնորոշվելու համար նշվել է պատմական զարգաց-



Էջմիածին քաղաքի պատմաճարտարապետական հուշարձաններ.

ման ընթացքում ձեռք բերած ուսանելի որակները: Ռսումնասիրությունների հիման վրա որոշվել է քաղաքի պատմական տարածքի սահմանները և պոտենցիալ ու առաջնահերթ պեղման գոտիները: Նկատի ունենալով Էջմիածին քաղաքի բազմադարյան հարուստ պատմությունը և հայ ժողովրդի պատմության մեջ ունեցած կարևոր դերը, պատմական և հնագիտական նոր նյութեր հայտնաբերելու համոզմամբ նրա ամբողջ պատմական տարածքը հայտարարվել է պոտենցիալ պեղման գոտի:

Էջմիածին քաղաքի տարբեր տեսակի հուշարձանները (ճարտարապետության, պատմության, հնագիտության, բնության և այլն) դասակարգվել են ըստ գեղարվեստական արժանիքների, հորինվածքային դերի և գործնական նշանակության:

Ելնելով մեծարժեք ճարտարապետական հուշարձանների երկարակետության պահպանման ու ընկալման պայմաններից, ժամանակակից օգտագործման ու բարեկարգման ընդհանուր ցուցանիշներից, սահմանվել են նրանց պահպանման գոտիները և այդ գոտիներում նախատեսվող քաղաքաշինական միջոցառումների կարգը: Սահմանվել են նաև հուշարձանախմբերի և բնական ու քաղաքային արժեքավոր համայնապատկերների պահպանման գոտիներ: Էջմիածնում ճարտարապետագեղարվեստական արժեք ներկայացնող կառույցների հորինվածքային ակտիվ դերի պահպանման համար առաջարկվել է ամբողջ քաղաքի տարածքի կառուցապատման կարգավորիչ գոտիներ:

Դարերի ընթացքում Էջմիածնում կուտակված և հայ ժողովրդի պատմության, մշակույթի ու կենցաղի համար կարևոր նշանակություն ունեցող մեծարժեք հուշարձանների բնույթը ու տեղադրությունը թելադրել են քաղաքի տարբեր հատվածներում ստեղծելու պատմա-



Գայանե տաճարի տեսքը հարավ-արևմուտքից

մշակութային, պատմաճարտարապետական, պատմաազգագրական ու պատմահնագիտական չորս գոտիներ: Նոր հասարակական կենտրոնի և մշակութային գոտիների միջև հետիտուն սերտ փոխկապվածություն ստեղծելու համար առաջարկվել է քաղաքի պատմական միջուկում պակասեցնել տրանսպորտային երթուղիները: Ելնելով Էջմիածնի մեծարժեք պատմաճարտարապետական ժառանգության պահպանման շահերից և նկատի ունենալով այն հանգամանքը, որ քաղաքը վերածվելու է հանրապետության պատմության ու կուլտուրայի կարևորագույն օջախի, ինչպես նաև հայրենական ու արտասահմանյան տուրիզմի կարևորագույն կենտրոնի, նախագծում առաջարկվել է ընդլայնել քաղաքի մշակութային ֆունկցիաները և մեծ տեղ հատկացնել ազգային արհեստագործական իրերի արտադրությանը:

ԳՄԴ 85.113(2Հ)1

Գ 888

ԱՐՏՅՈՄ ԳՐԻԳՈՐԻ ԳՐԻԳՈՐՅԱՆ

ԷԶՄԻԱԾԻՆ

Երևան «Հայաստան» 1987

АРТЕМ ГРИГОРЕВИЧ ГРИГОРЯН

ЭЧМИАДЗИН

(На армянском языке)

Ереван «Айастан» 1987г.

Խմբագիր՝ Ա. Ս. Ոսկանյան

Նկարիչ՝ Լ. Խ. Խաչատրյան

Տեխն. խմբագիր՝ Յ. Սարգսյան

Վերատպող սրբագրիչ՝ Ս. Վ. Խաչատրյան

Գ $\frac{4902020000}{701(01)86}$ — պատվեր

© ՀՍՍՀ ՄԻՆԻՍՏՐՆԵՐԻ ԽՈՐՀՐԳԻՆ ԱՌԸՆԹԵՐ ՊԱՏՄՈՒԹՅԱՆ
ԵՎ ԿՈՒԼՏՈՒՐԱՅԻ ՀՈՒՇԱՐՁԱՆՆԵՐԻ ՊԱՀՊԱՆՈՒԹՅԱՆ ԵՎ
ՕԳՏԱԳՈՐԾՄԱՆ ԳԼԽԱՎՈՐ ՎԱՐՉՈՒԹՅՈՒՆ

2Կ

ՎՖ 01155: Տպարանակ՝ 10000, պատվեր՝ 5178: Գինը՝ 10 կոպ.:
Ֆորմատ՝ 70×108 ¹/32: 0,35 պալմ. տպ. մամ., 0,4 հրատ. մամ.:

«Հայաստան» հրատարակչություն, Երևան—9, Իսահակյան 28

Издательство «Айастан» Ереван — 9, ул. Исаакяна 28

ԳՈՒՆԱՎՈՐ ՏՊԱԳՐՈՒԹՅԱՆ ՏՊԱՐԱՆ

Երևան — 82, Ադմիրալ Իսակովի պող. 48:

ТИПОГРАФИЯ ЦВЕТНОЙ ПЕЧАТИ

Ереван — 82, пр. Адмирала Исакова, 48.